

جریدہ علیہ

مستحق جلیلہ اسلامیک جبریدہ رسمیه سید

ربیع الاول سنہ ۱۳۴۰

عدد ۷۰

شمذیلک آیدہ بر نشر اولنور

یرنجی سنہ

فتاویٰ شریفہ

امامت و خطابت :

بر مسجدده امام و خطیب اولان زیدک مجلس فسقده خوانندهک ایتک و مضحک
قیافه کیروب ناسی کولدرمک معتادی اولغله عمرو حاکم زیدی عزل ایدوب یرینه اهل
ومتدین بر کمسنه بی امام و خطیب نصب ایتکه قادر اولورمی الجواب اولور

* *

بوصورته عمرو حاکم خصوص مذکور حقنده حکمی حاوی اعلام ویرسه حکمی
نافذ واعلامی معتبر اولورمی الجواب اولور .

* *

برمسجد شریفده امام اولان زید فتنه مبتلی اولوب لیکن نمازه خلل ویرر اصلا بر
حالی اولماسه امامتی جائز اولورمی الجواب اولور

* *

بلوغ :

هند صغیره سنه قریه حسابیله اون بش یاشنی تکمیل ایتدکده بلوغیله حکم اولنق
لازم اولورمی الجواب اولور

* *

مداینه :

زید عمرودن شوقدر غروش قرض آلوب ایتدکدنصکره عمره ویردیکی
غروشلرک مثلارینی زیددن طلب ایتدکده زید ویرمیوب مقابله سنه شوقدر منقر آل دیمکه
قادر اولورمی الجواب اولماز

* *

حضانه

زید صغیرک لاب قزقنداشی هند ایله لابوین خالهی زینبدن غیری کمنه سی اولماسه
صغیرک حق حضانه می هندک اولورمی الجواب اولور

* *

نفقه

زید صغیر فقیرک لابوین عمره موسردن غیری کمنه سی اولماسه زیدک نفقه سی
عمره اوزرینه لازمه اولورمی الجواب اولور

* *

شراء الولی :

محمود الحال اولان زید صغیره قزی هندک ملک منزلی ثمن مثلیله نفسی چون اشترایلسه
صحیح اولورمی الجواب اولور

* *

طلاق بائن :

زید زوجہ سی هند مسلمہ یه بره دین وایمانی فلان ایتدیکم دیو جماع لفظیله شتم
ایلسه هند زیددن مبانه اولورمی الجواب اولور

* *

قسمت :

زید متوفانک زوجہ سی هنده اولان مهر دینی ادا ترکه سی بین الورثه قسمت اوزرینه
مقدم اولورمی الجواب اولور

* *

وصایت :

زید وصی سی اولدینی صغیرک مصارفنه صغیرک مالنه رجوع شرطیله کندی مالندن قدر

معروف شوقدر آچه صرف واشهاد ایلسه زید مصروفنی صغیرک مالندن آلمغه قادر اولورمی
الجواب اولور

کتابه الفقیر طرسوسی زاده
محمد نوری مدنی
عفی عنهما

اجوبه شرعیه

زهرا امضالی ۲۵ شباط ۳۳۷ تاریخنده فتواخانهیه بالورود، آناسی هند مطلقه نك
نزدنده ساکنه وهنددن متولده قزی زینب بکر حاقله وبالغهی باباسی زید آناسی هند
مزبورہ نك نزدندن آلدیره رق متوطن اولدیغی بلدییه عمرو اجنبی ايله کتیرتمکک قادر
اولوب اولمادیغنه دائر واقع اولان استفتایه جوابدر
§ مآلنه نظراً زید مزبور قزی زینب مزبورہ یی عمرو اجنبی ايله بلده سنه کوتورتمکک
قادر اولماز . ۱۹ جمادی الآخر ۳۳۹

* *

مصطفی حسین امضالی ۷ شباط ۳۳۷ تاریخنده فتواخانهیه بالورود، هند غیر مسلمہ نك
شرف اسلام ايله مشرفه اولان قزی ارتداد ایتدکدنصکره آناسی هند مزبورہ وفات
ایتمیش اواسه مزبورہ آناسنه وارثه اولوب اولمیه جغنه دائر واقع اولان استفتایه جوابدر
§ مرتدہ مزبورہ والده سی مزبورہ هنده وارثه اولماز . ۲۲ جمادی الآخر ۳۳۹

* *

رشدی امضالی ۱۹ جمادی الآخر ۳۳۹ تاریخنده فتواخانهیه بالورود، اون بش یاشنی
اکمال ایدوب بلوغه واصل اولان کیمسه اموائنک کندیسنه تسلیم ایدلسنه دائر وصی مختاری
علیننه اقامه ایلدیکی دعواسی مشروعه اولوب اولمیه جغنه دائر واقع اولان استفتایه جوابدر
§ مآلنه نظراً اون بش یاشنی اکمال ایدن زید مزبور وصیسنه قارشو بالغ ورشید
اولدیغنی دعوی ایتمی شرعاً مسموعه اوله جفی کبی مدعاسنک ثبوتندنصکره وصی
مزبور یدنده بولنان زیدک اموائی زیده تسایم ایدر . ۱۹ جمادی الآخر ۳۳۹

* *